

Visoki predstavnik se sastao sa dužnosnicima Federacije

Jučer je Visoki predstavnik, Wolfgang Petritsch, održao svoj prvi zvanični sastanak sa premijerom Federacije Edhemom Bičakčićem i njegovim zamjenikom Draganom Čovićem. Visoki predstavnik je također održao i odvojeni sastanak sa predsjednikom Federacije Ivom Andrićem Lužanskim i potpredsjednikom Federacije Ejupom Ganićem.

Glavna tema razgovora na oba sastanka bilo je ukidanje paralelnih institucija, na kojem će Visoki predstavnik insistirati kao na jednom od njegovih najviših prioriteta. U jednoj savremenoj državi koja teži ka Evropi nema mesta za paralelne institucije. Istovremeno, zajedničke institucije BiH će funkcionisati jedino uz potpuno funkcionisanje Federacije.

Razgovori su vođeni i o pitanju sistema obrazovanja u Bosni i Hercegovini. Visoki predstavnik je insistirao na hitnom provođenju instrukcija koje je izdao Prvi zamjenik Visokog predstavnika Ralph Johnson. Ove instrukcije navode da, u vidu privremene mjere, sve škole moraju roditeljima ponuditi mogućnost da izaberu nastavni plan i program prema kojem će njihova djeca sticati obrazovanje. Visoki predstavnik je zatim naglasio da je međunarodna zajednica i dalje odlučna u namjeri da izradi zajednički nastavni plan i program za Bosnu i Hercegovinu, kojim će se svakom narodu pružiti neophodna fleksibilnost za sticanje znanja o njihovoj vlastitoj kulturi.

Na sastanku sa Premijerom i zamjenikom Premijera Federacije pokrenuto je i pitanje Zakona o penzijama. Visoki predstavnik je rekao da nacrt Zakona treba odmah uputiti Parlamentu Federacije, i da očekuje da će to pitanje biti riješenjo u toku sljedećeg mjeseca.

Visoki predstavnik je također razgovarao o potrebi za

postojanjem kvalitetnog Zakona o radu u ovoj zemlji. To je sastavni dio procesa privatizacije. OHR je spreman da podrži zakonodavne aktivnosti u vezi sa ovim pitanjem i da pruži stručnu tehničku pomoć.